

‘İlim ‘ilim bilmekdür ‘ilim kendin bilmekdür / Sen kendüni bilmezsin yâ niçe okumakdur / Okumaktan ma’nî ne kişi Hakk’ı bilmekdür / Çün okudun bilmezsin hâ bir kurı emekdür / Okıdum bildüm dime çok tâ‘at kıldum dime / Eri Hak bilmezisen ‘abes yire yilmekdür / Dört kitâbun ma’nîsi bellüdür bir elifde / Sen elif dîrsün hoca ma’nîsi ne dimekdür / Yûnus Emre dir hoca gerekse var bin hacca /



Cilt / Volume: 52
Sayı / Issue: 2
Kış / Winter
2022

Necmettin Erbakan Üniversitesi Ahmet Keleşoğlu İlahiyat Fakültesi Dergisi

Hepisinden eyüce bir gönüle girmekdür / İy dost senün ‘ışkun odı cigerüm pâre baş kılır / ‘İşkundan yanar yüregüm yandugum bana hoş gelür / ‘İşkun odına yandugum ağlamak oldu güldüğüm / Dost sana zâri kıldugum münkirlere savaş gelür / Söylerisem sözüm savaş söylemezsem cigerüm baş / Cihân tolu durur kallâş her birinden bir taş gelür / Gör niçe taşlar atılır dost için başlar tutılır / Gelür gönüle batılır hâlünüze hâldeş gelür / Bizüm hâlümüzden bilen kimdür ‘ışka münkir olan / Bizüm sevdüğümüz Hak’dur bu halka göz ü kaş gelür / Niçe selâtınler zebûn olur bu ‘ışkun elinden / Her kim bu yola düşerse ol bu yola yavaş gelür / Erenler buna kalmadı vardı yolna turmadı / Hakk’ı girçek sevenlere cümle ‘âlem kardaş gelür / Miskîn Yûnus bil sözünü dosta açup şol gözünü / Kangı burcdan bakarısın ol sultâna güneş gelür / Hocam ‘âşık olanların işi âhıla zâr olur / Hasretinden ol ma’şûkun gözi yaşı bınar olur / Düni günü kılır zâri ya’ni görmek diler yâri / İşitmezler bu haberi ‘ışksuzlar bî-haber olur / ‘Âşıkısın dîdârına koma bugünü yarına / Girenler ‘ışk bâzârına kendözinden bîzâr olur / Terk eylegil sen senligün anun ‘ışkını bul anun / Bu ‘ışk içinde ölenün kan bahâsı dîdâr olur / ‘Âşıklar lâ-mekân olur cihânun terkini urur / Cân u cihân ne nesnedür çün dostıla bâzâr olur / ‘İşka yoldaş olcagız cümle işler olur geniz / Maksûd ele giricegiz dost iline sefer olur / Kanı girçek ‘âşık kanı gelün isteyelim anı / Bî-çâre Yûnus’un cânı dost yolına îsâr olur / Gelmeyen gelmedi sapdı secde eyledi tapdı / Bu ‘imâreti kim yaptı bu mülke Süleymân nedür / Egriligi yaydan egri togrulugu okdan togru / Bu şehir içinde ugru hem kâzî hem sultân nedür / Sendedür senden yat degül bellüdür mu‘cizât degül / Bu kelâmdur hüccet degül deryâ içinde ‘ummân nedür / Çig bişüp kazan taşmadın rûh cisime ulaşmadın / Ana rahmine düşmedin ol togmadın ölen nedür / İy Yûnus Emre tıfl iken hîç nesneyi fehm itmedin / Cümle ‘ulûmı keşf idüp bildürüp öğrenden nedür / Anca zâr eyler kim şol bülbül eyler / Anı ol eylemez illâ gül eyler / Kaçan gülde görür dostun cemâlin / Çağırur kim beni deli şol eyler / Ne

Metin: Dîvân, Yûnus Emre.

